



原件短缺

P1



伏願主善為師至誠無息開明三景空諸獄
之幽囚混合百神符萬靈之號令所濟者拔
有願皆成干冒



師嚴下情無任激切請命之至領衆陞壇恭
行科範。

唱道

至壇前祝將

陞壇上看



舉各禮師存念如法請宣靈呪

七靈隱神

三元混形

變陰化陽

外清內明

洞徹太和

九宮攝英

飛丹鬱秀

鍊度八門

脫胎却死

七魄散分

百神混合

兆為帝賓

舉鳴法鼓二十四通

發爐

請稱法位

稱職

啓聖

臣等夙命因緣。生值大化。玄真啓拔。得入信根。三師盟受。三寶神經。法應度人。九萬九千。

位登至真。而功微德薄。未能自仙。志竭樞命。佐國立功。凡有歸投。理宜拯濟。既奉詞旨。敢不上聞。宣詞按如詞旨。灼見孝忱。大道寬洪。

必垂采覽。臣聞有始有未始。天地之化何窮。
無為無不為。道德之功甚大。竊謂靈寶自然
之旨。有開帝王至治之符。玉璽科行天下歌。

謠於有道。金真教出域中。欣樂於太平。蓋保
制劫運之此有功。若薦拔亡鬼。特其餘事。自
元始肇生於碧落。為萬世規。迨玉皇再演於

清微幸又一時幸。若今日脩齋之會。真小臣
不世之逢。庸奉教以陳忠。先祝釐而歸上。臣
等。今為某拔度亡某。及九祖父母。九幽玉墮

長夜之府。死魂惡對宿身罪根。功德開度。以
今清旦登齋行道。運茲初捻。上香願達玉清
宮。供養太上無極大道元始天尊。七寶玄臺

洞真九聖。臣等首體投地。以是功德上祝
今上皇帝。聖壽萬安。伏願行高恩厚。業廣功
崇。呼萬歲者三。大啓延洪之曆。襲六經而七。

昭垂制作之文。允居天覆地載之間。均在春
育海涵之下。今故燒香。國祚安寧。

臣聞北都泉曲府。哀哉長夜之累囚。東極妙

嚴宮大矣。慈尊之惠化。原衆生之受苦。由一念之迷真。尔其叫號。楚毒之中。必知其罪。我以廣大神通之力。善見其時。故慧光纔注而

善念已萌。甘露一洒施而苦輪皆息。分形變化。偏恒沙之界。無不周行。願慈悲真。曠劫以來。所未有。斯實九幽之宗主。是宜一意以皈依。

臣等。今為某拔度亡某等魂。以今登齋行道。
運茲二捻上香。願達上清宮。供養三十六部
尊經。太上道君。蕊珠瑤闕。洞玄九真。臣等首

體投地。願以是功德。志心皈命。

長樂天中。大慈仁者。太乙尋聲救苦天尊。十
方應號天尊。大慈二真人。救苦諸童子。先乞

赦拔亡過某出離幽暗覩見光明伏願奉元
始之德音降青華之曲赦九龍傳驛風雷渙
汗於幽都萬犴停刑雨露昭甦於罪莢拔出

地戶來朝道場今故燒香。

臣聞厥初生民必有世系保姓受氏承繼
以無窮積行累功綿延而不絕信祖宗

之於孫子。猶水木之有本源。自禮經而言。除
七廟二祧。餘不在烝嘗之列。以道家而論。雖
億萬祖。猶應從薦拔之科。良由道法至嚴。

玄功甚博。蓋有前世不祀祖。而由為罪。亦有
先亡未受度。而不得仙。是故靈寶本章。首著
濟度之品。女青祕典。昭垂拔贖之文。蓋世人

報本之禮宜然。而天尊設教之心遠矣。臣等
今為某拔度亡某等魂。以今登齋行道。運茲
三捻上香。願達太清境。供養玄中大法師太

上老君。紫微琅霄無極洞神九仙。臣等首體
投地。願以是功德。歸流某億曾萬祖。上世亡
魂。及內外姻親。一切魂識。同沐齋功。超生淨

土。伏願。敕陶公仙伯。以校錄。命韓君司馬。以
度魂。起死回骸。煉以玉眸之火。反故改貌。濯
之石境之津。俱仙化以成人。免輪迴於浩劫。

今故燒香。昇入無形。

禮方 懺悔

步虛

三啓

三禮

重稱法位

具職

啓聖

臣等。樗櫟散材。醯鷄小見。棲遲玄宇。雖知讀

黃老之書。傳習齋科。豈盡得陸張之意。但以
盟心於利濟。輒敢越分以行持。惟三綱五常
為立人之大本。而九幽十類皆失道之窮魂。

爰謹宣揚。庶其開度。重為其懺悔亡其及九
祖父母九幽長夜一切苦魂。雖廁處於人倫。
自汨沉於天理。惟五教之有親。有義。有別。有

序有信。雖曰有常。犯六刑之不孝。不友。不睦。
不婣。不任。至於不恤。居上無道。為下不忠。禮
義廉耻之俗微。放僻邪侈之習勝。迷々不覺。

一旦花殘銀海。而氣斷玉樓。惡々相牽。萬劫
足履刀山。而手攀劍樹。次為某求啓紫微之
祕。特脩玉匱之科。驛簡通幽。龍童效信。共惟

大道特沛殊恩。神光所燭而無隱不通。惠澤
所沾。則何冤不釋。拔出地戶。不為地獄之沈
因。朝禮天顏。俱到天尊之法會。然願乾坤交

泰。日月貞明。海宇承平。俱在八荒之壽域。天
人受慶。咸登無上之法橋。至於神虎官君。爰
龍符吏。承流宣化。俱有開通冥道之勞。崇德

報功。宜在迂轉仙階之列。上新
天尊布大慈之化。下副臣等傾軼命之誠。謹
啓以聞。

發願

復爐

出戶

謁幕

伏以。梵響導芝輶。遡紫宸而奏事。碧靄浮雲
篆。飛丹詔以行仁。威神既滿於十方。惠力頓

空於諸獄。蒙恩如此。謝過敢稽。遠來為其修
齋設醮。度祖濟幽。清旦初朝。行科已竟。慮齋
規之未備。况闕奏之多乖。所冀簡寬庶符宣

藏。伏願。惟萬物之母。一氣成真。若衆妙之門。
百川歸海。庶弟子有所依託。則亡爽可以遷
升。干冒

崇嚴下情無任不勝攀留之至謹言。

向來

念善

皈依讚

資度早朝科終





資度午朝科

師堂序立

步虛

師上香再拜

跪啓

日影麗中天。肅朝儀於亭午。慈光燭三界。振

珮響於同寅。雲風流鳴而四氣朗清。慶雲開

生闕而萬神朝禮。式嚴再覲。益謹初誠。門下具位

啓師

恭望師慈。俯垂洞鑒。臣領誠孝士某投



脩醮典。資悼親魂。以今陞壇朝真行道。先伸
啓告。仰冀提撕。伏願有聞必先。無文不度。克
相上帝。推其錫類之恩。普告神鄉。拔以有生
之樂。俾克承於齋法。頓得陟於仙鄉。干冒
師嚴。臣下情不勝。惶汗激切。候命之至。

唱道 引衆陞壇

巡香

默禮師存念如法

九明混化

神以同真

鍊度五道

變合諸晨

濯濯積滯

揮精飛形

凌烟鬱景

超出八門

解胞脫質

固植天根

萬靈備本

飛景紫庭

鳴法鼓二十四通

發爐 稱職

啓聖

臣聞死者不作斯為骨肉之哀傷事之如存

宜有鬼神而來享。向真科而求解脫。瞻寶座
以罄皈依。愛欲其生。無所不至。臣味道懣學
走俗抗塵。謬廁仙階。罔明科格。領來誠之懇。

切。竭愚鈍以宣行。豎夜燎為朝暉。豈能勝任。
憫人世哀下土。有望垂光。薦黍稷之馨香。嚴幡
花而獻禮。一心皈依。五體投誠。自朝至于夕。

日中不遑寧息。遊目以望天表。無任悚惶。孝
士某知愛其親。請禱于上。生孝死孝。既交盡
於情文。天知地知。宜妙臻於恩貺。用抒愚悃。
冒瀆高明。具有忱誠。謹當宣告。

宣意 舉寶幡接引天尊

詣靈所白靈

引至壇前朝參

安駐壇下

按如孝忱精誠丹切。仰蒙大道俯濟沉寘。臣
聞。資於事親。以事君。敬受則一。請以祝壽而
祝國。福祿攸同。感帝力於昇平。祈皇圖之永

久。以今陞壇行道。運茲初撿。上香。臣等首體
投地。志心皈命。

太上三尊。十方衆聖。東極慈父。救苦天尊。以

是運香功德。上祝

皇帝陛下。伏願如南山之壽。與造物遊。日到
中天。萬國仰皇明之運。帝鑒下土。九疇錫洪

範之彛。象胥重譯以來王。鳳鳥儀韶而獻瑞。
君唱臣和。物阜民安。三千歲而一成純。無一
夫不被其澤。垂拱至治之日。黼黻太平之期。

今故燒香。和保天長存。

臣聞生而必死。斯賢愚貴賤之同途。貞下起元。有對待流行之不易。非焉依於大道。曷以

度於迷津。雖云造物之無私。然必從民之所欲。以今行道。運茲二揅。上香。臣等首體投地。志心皈命。太上三尊。十方衆聖。東極慈父。救

苦天尊。以是功德為孝士。某拔度亡某神。鬼
出離幽暗。覩見光明。伏願起泉下之厭。參
玄中之亶。冰解凍釋。三生之結。習洗空。陽

長陰消。一點之靈光。凝聚圓聖。胎於胞。命證
妙果於仙鄉。玉山上京。步逍遙而躋快樂。鄴
都泉曲。化呻吟而為謳歌。今故燒香。升入無形。

臣聞反疏及遠推所本於親。出幽入明念

九玄七祖眷屬姻親普及九泉長夜五苦三
途一切孤魂拘囚滯壅出三途之苦趣沐九
陛之玄恩如醉而醒如瘖而鳴頓悟昨非而

臣聞反疏及遠。推所本於親。出幽入明。念
均司於物。於焉請命。可不動心。以今陞壇
名。茲三撿。上香。以是功德。歸流孝士。某

九玄七祖。眷屬姻親。普及九泉。長夜五苦。三
途一切孤魂。拘囚滯爽。出三途之苦趣。沐九
陛之玄恩。如醉而醒。如瘖而鳴。頓悟昨非。而

今是以道為門。以德為本。迷知過化之存神。
為之骨肉肌膚。不墮羽毛鱗介。獲安樂果。生
清靜身。携朋挈儔而去。故從新入地昇天而
排空御氣。被真風之和。洲印道月之光。華一
切有情。均證無漏。今故燒香。昇入無形。

命魔 思九色 步虛 三礼 称職 大謝

臣聞樗櫟何取。茅塞無知。過叨師匠之恩。獲處治官之列。惟三乘三洞。開人天利益之門。六欲六情。為生死輪迴之本。故宣秘蘊。以度

迷津。臣今為孝士某懺悔亡某靈魂。自歷劫聞以至今。因六根而造罪。視聽言動。四非之訓。茂聞文香味色聲。六染之緣。易入貪求細滑。好

慕榮華。一念之流。始於涓滴。而波瀾浩大。四
大所觸。發於萌蘖。而枝葉婆娑。日增月累。有
不自勝。罪大惡積。至不可掩。伏願推廣。乾坤

之德。特頒渙汗之恩。普告冥司。迷燭罪簿。請
滅三惡。超三界。以逍遙。閉塞六情。得六通之
智惠。九玄解脫。七祖超昇。餓鬼昭甦。無有啼

饑號之苦。窮民饒潤。如在甘食美味之中。至
於法錄仙靈。監齋直事。夙夜靡懈。暨能懋著
於功勲。車服以庸。所願優加於賞擢。上明天
尊之澤。下副哀懇之情。謹啓以聞。

敬願 伏炉 舉生天得道天尊 白靈朝辭

宿世賞

引至師堂

謝師

伏以。旋行躡雲綢。幸獲都俞之旨。乘虛步玄
紀。又嚴謁謝之私。金符度命。而九地皆春。玉
札宣恩。而諸囚罷苦。不世之遇。感德何窮。

門下臣某上啓

師位俯昭謝悃。臣遠來領衆升壇。朝真行道
已竟。慮情文之未備。顧斧鉞之莫逃。所願矜

憐。克成軫念。伏願憐其末學。赦之深愆。出北
魁之玉文。開清長夜。給南宮之金籙。超詣朱
陵。俾令所薦之靈。均被無量之福。仰瞻師佩。
暫駐芳筵。法事云周。別彈謝悃。干冒
師嚴。臣下情無任不勝惶汗之至。再拜謹言。

向來念善

聞經

引靈歸幕

諷經酌奠

資度午朝科終

資度轉經文

伏聞經傳元始教演虛皇俾拯護於群迷用生成於萬彙
流恩有識普度無窮以今為某修崇齋醮祈度親魂清

旦陞壇轉詠靈寶度人上品妙經回福資薦其魂伏願
承此真乘離諸苦趣獲制魔之保舉度品南宮沐諸
天以書名拔出地戶恩沾先世慶及幽沉稽首虛皇

修行經法

仰惟三境高尊十華上聖醮筵真宰地府冥官俯回
慈造同賜證盟臣適來集衆轉詠靈寶度人上品妙

經朝禮彌羅青華寶號已在云周仰憑經法超度某
起離業累得證真常伏願妙化旁周死冤均濟援
出地戶永辭五苦八難以逍遙上生天堂即契九和
十合而變化嘉興有情之衆俱乘無量之功法
衆如儀聞經功德

資度晚朝科

落景

啓師

伏臣。爽氣浮高闕。覺萬籟之澄清。寒光燦太

虛。儼九天之靜默。方此三承於天錫。庶茲一
證於冥魂。不有我師孰形先覺。以今奉為某
領誠孝切。依教闡揚。今當晚朝恭行科範。所



希汲引。庶遂感孚。伏願恢孔德之容。行不言
之教。常善救物。合要妙之自然。惟道集虛。符
生成之極致。俾亡莠沐開通之惠。而水火合
造化之功。不冒崇嚴。臣下情無任。請命之至。
領衆陞壇。恭行儀範。

唱道 引至都門白將 陞壇巡香

舉各禮師存念如法

神光朗耀

芝輿宴然

變夜作晝

丹鳳飛圓

天真降集

瑞炁匝旋

玉眸含真

回子午前

息魔滅奸

齊到帝前

箕斗澄暉

寶壇純乳

太華流

高步祥烟

鳴法鼓二十四通

發爐

具職

啓聖臣等。夙命同緣。生值太化。玄真啓拔。得
入信根。三師盟受。三寶神經。法應度人。九萬

九千。位登至真。而功微德薄。未能自仙。志竭
樞命。佐國立功。凡有皈投。理宜敷奏。既承詞
旨。敢不上聞。宣意

按如詞旨。灼見哀忱。大道寬洪。必垂省覽。臣
聞度人為教。雖曰大梵之言。玄奧難尋。學士
究心。所謂無量之福。生死蒙惠。竊嘗微攷之。
旨趣。蓋欲兼濟於幽明。如斷地逮役。度上南
宮。既為亡魂而設。至延壽長年。得作尸解。又
主世人而言。蓋死者既有所歸。則生者亦蒙

其澤。譬雨露之甦枯潤槁。自葉流根。如雷霆
之發蟄起潛。從微至著。夫以玄功之著此。固
非庸俗之能知。臣等今為某拔度亡某及九

祖父母。九幽玉墮。長夜之府。死魂惡對。宿身
罪根。功德開度。以今靜夜。登齋行道。運茲初
捻上香。臣等首體投地。志心皈命。

太上三尊。願以是功德。歸流某一家眷屬。九
族親姻。消災度厄。增福延年。伏願黃籙書名。
紫清降福。削三災落九厄。默扶本命之機。理

五氣混百神。自得長生之妙。子孫蕃衍。門戶

興隆。今故燒香。

永保安寧

臣聞。妙道之陶鎔庶品。則以陰陽為炭。造化

為工。至人之脩鍊九丹。則以乾坤為鼎。坎離
為藥。苟得其道。皆證天仙。於此見清微至道
紫樞飛梵之
科。所以發靈寶度人之妙。其始也。隱聖胎於

空洞。運火候於靈書。水火既濟。而自降昇。金
木交并。而為間隔。從鍊腎而心胞絡。蓋五行
生成之數。寓焉。及結胎以神命元。則九天始

終之道備矣。此先聖不傳之秘蘊。宜死魂受
鍊以更生。臣今為某拔度亡某靈魂。以今登
齋行道。運茲二捻。上香。臣等首體投地。皈命。
太上三尊。願以是功德。上請度人不死之神。
南極長生之君。度世司馬大神。好生韓君丈
人。南上司命司錄延壽益算度厄尊神。南宮

九華真人。十方飛天神王。靈寶南昌鍊度司。
真官仙吏。乞為亡者某。靈魂開南昌朱陵之
館。依科鍊度。伏願降日月之真精。會陰陽之
梵炁。精神魂魄意聚五氣。以朝元。玄牝天地
根。結一珠而成象。鍊陰尸而成陽氣。出死戶
而入生門。今故燒香。

臣聞誦經萬遍。道備飛昇。脩齋三時。功成超
度。諸天於此下觀。而遙唱。三界於此普告。而
歷闡。喜慶難言。幽明臣幸。昔元始啓度人之

會。至於十過。致枯骨之更生。都仙建盟真之
齋。終於七祖。受魔王之保舉。以明效大驗。振
古如此。豈寡聞淺見。如臣可幾。屬當正齋法。

事。粗悉之時。敢為亡者仙階託化之請。臣今
為某拔度亡某靈魂。以今登齋行道。運茲三
捻上香。臣等首體投地。至心皈命。

太上三尊。願以是功德。上請玉壘判司真君。
乞命紫元玉壘王晨九都仙曹。為亡者某等。
詮量功德。判注超昇。伏願受事朱宮。書名紫

榮制魔保舉。無拘三界之天門。符命昇遷。召
至九清之道境。今故燒香。

礼方懺悔

三啓

三礼

称職

啓聖

臣等。委瑣無庸。顙蒙有素。受十部飛天之法。
未盡脩持。宣九幽明真之科。敢忘開度。重念
某奉先思孝。事死如生。簡壁龍繒。按建齋之

執則香花燈燭。行像世之威儀。臣猥以菲材。
謬居大任。雖存思啓祝。具有成典。然進退俯
仰。不免失儀。運錄書符。以呪訣空疎。而未通

神妙。飛章拜表。以文辭錯謬。而不合天心。步
虛非空洞之音。朝奏豈玄都之式。香煙或斷
而或續。燈光乍滅以乍明。儀範參差。禮文滅

裂坐以女清之科律。固莫逃誅。恩惟太上之
慈悲。必能肆赦。伏願海涵春育。天蓋地容。使
微臣身免於譴訶。而大齊功被於幽顯。先靈

受度。玉眸鍊質。黃華蕩形。見在蒙休。黃籙上
生。白簡削死。諸福畢至。萬灾不干。子。孫。
與善緣而相植。生。世。保真道之不迷。上

願玄教興隆。

皇風熙洽。宗社享無疆之福。邦家建不拔之基。魚躍鳶飛。各適逍遙之性。蚊行蠅息。悉安

生化之天。至於雷霆考召之司存。天地神真之兵馬。功曹符使。里域真官。侍衛迎送來往。於十方三界。監臨翊衛。經營於三三五三宵。願

沛殊恩。悉推典賞。然後臣等仙機純熟。靈府
踈明。專修一法。專治一經。學道之功。早就。廣
演三乘。廣叅三洞。度人之志。無窮。庶有補於

玄門。以無忘於法訓。上所祈

天尊布大慈之化。下副臣等傾結願之誠。謹
啓以聞。
發願 復爐 出戶 謝師

天門九重。開三展朝元之禮。地獄五苦。解一
承濟度之功。威神拯拔於九原。魂爽無拘於
三界。成人有造。惟道何窮。邇來為某脩齋設

醮。拔祖濟幽。落景三朝。行科已竟。惧形神之
未正。况符呪之或乖。所異哀原。庶成遷拔。伏
願帝臨母貳。天誘其衷。開度受生。魂咸離幽。

天門九重。開三展朝元之禮。地獄五苦。解一
承濟度之功。威神拯拔於九原。魂爽無拘於
三界。成人有造。惟道仁。竄遠來為某脩齋設

醮。拔祖濟幽。落景三朝。行科已竟。惧形神之
未正。况符呪之或乖。所異哀原。庶成遷拔。伏
願帝臨母貳。天誘其衷。開度受生。魂咸離幽。

陰之境。應會敢靈數。俾全生化之功。若顯忠
遂良特錄其勤。與迂階進秩。以各茂其實。恩
流家國門閥惠及遐遐。今則玉殿朝回。瑤壇罷奏。

仰希

仙仗暫返層霄。設醮之時。佇候臨幸。不冒
崇嚴。臣下情無任。不勝攀餞之至。謹言。

送師 雲興 白來 念善

資度晚朝科

成化戊戌季秋下澣日碧潭道人書



